

FILIPINO

Unang Markahan-Modyul 3: Pagsasabi ng Mensahe at Paksa (Patalastas Pantelebisyon, Kathang-isip at Hango sa Tunay na Pangyayari)



May-akda:
Tagaguhit:


Violeta DG. Lamban
Reynaldo C. Celestial Jr.



City of Good Character

DISCIPLINE • GOOD TASTE • EXCELLENCE

PAG-AARI NG PAMAHALAAN
HINDI IPINAGBIBILI



Alamin

Ang modyul na ito ay binubuo ng tatlong aralin:

- Aralin 1 – Pagsasabi ng Mensahe at Paksa (Patalastas Pantelebisyon)
- Aralin 2 – Pagsasabi ng mensahe at paksa (Akdang Kathang-isip)
- Aralin 3 - Pagsasabi ng mensahe at paksa (Akdang Hango sa Tunay na Pangyayari)

Sa pag-aaral ng modyul na ito, inaasahang magawa mo ang sumusunod:

- A. nakikilala ang patalastas pantelebisyon;
- B. nasasabi ang mensahe, paksa o tema na nais ipabatid sa patalastas;
- C. nakikilala ang mga akdang kathang-isip;
- D. nasasabi ang mensahe, paksa o tema na nais ipabatid sa mga akdang kathang-isip (Pabula/kuwento/ alamat);
- E. nakikilala ang mga tekstong hango sa tunay na buhay; at
- F. nasasabi ang mensahe, paksa o tema na nais ipabatid sa mga tekstong hango sa tunay na pangyayari (balita/talambuhay/tekstong pang-impormasyon).



Subukin

Simulan ang pag-aaral sa pamamagitan ng gawaing ito. Lagyan ng **M** kung ang nakasulat ay mensahe at **P** kung ang nakasulat ay paksa mula sa mga patalastas sa telebisyon.

- _____ 1. Ugaliing maghugas ng kamay sa loob ng 20 segundo.
- _____ 2. Paalala upang huwag kumalat ang sakit na *Covid-19*.
- _____ 3. Pahalagahan ang pamilya.
- _____ 4. Laging subaybayan ng mga magulang ang mga anak sa panonood ng *TV*.
- _____ 5. Panatilihing malinis ang paligid.

Aralin

1

Pagsasabi ng Paksa at Mensahe (Patalastas Pantelebisyon)

Sa araling ito ay pag-aaralan mo ang pagsasabi ng paksa at mensaheng nais ipabatid ng mga patalastas pantelebisyon.



Balikan

Magbalik-aral sa nakaraang aralin. Magbigay ng halimbawa ng magagalang na pananalita sa sumusunodna sitwasyon:

Pakikipag-usap sa telepono:

Pagbibigay ng reaksiyon:

Pagtatanong ng lokasyon:

Pakikipag-usap sa nakatatanda:

? Tuklasin

A. Panimula

Upang lalo kang maging handa sa pag-aaral, pagmasdan ang dalawang larawan. Alin sa mga larawan ang may pagkakatatulad sa iyong sarili, bakit?

A.



B.



B. Panonood

Ngayong handa ka na, simulan ang panonood ng patalastas. Puntahan ang *link* na ito, <https://youtube/meCbmpOAUFO> makulay ang buhay sa sinabawang gulay pagkaraan ay sagutin ang mga tanong.

C. Pag-unawa sa Pinanood

1. Tungkol saan ang patalastas?
2. Ano-anong gulay ang makikita sa patalastas?
3. Ano ang mensahe na nais ipabatid ng patalastas?



Suriin


Ang patalastas ay isang paraan ng pag-aanunsiyo ng produkto o serbisyo sa pamamagitan ng iba't ibang anyo ng komunikasyong pang madla.

Ang patalastas pantelebisyon ay anunsiyong mapapanood sa telebisyon. Lingid sa kaalaman ng lahat na mayroon ding paksa at mensahe sa mga patalastas na ito.

Sa pagkilala at pagsasabi ng paksa ng patalastas pantelebisyon, dapat na tukuyin ang paksa o tema nito sa pamamagitan ng pagsagot sa tanong na **"Tungkol Saan ang patalastas?"**

Samantala sa pagtukoy naman ng mensahe, panooring buo ang patalastas at tukuyin kung ano-ano ang mga **aral** o matututuhan at **kaalaman** na matututuhan sa patalastas.

Maging maingat sa paniniwala sa mga patalastas. Hindi lahat ng patalastas ay tama. Suriin ang talagang mensahe ng patalastas at kalidad ng produkto bago ito paniwalaan.



Pagyamanin

Ang mga patalastas sa telebisyon ay wala ring ipinagkaiba sa karamihang patalastas sa Youtube. Puntahan ang *link* na ito, <https://youtu.be/4LRUfUOkFmo> para mapanood ang isang patalastas. Pakaraan ay sabihin kung ano ang paksa at mensaheng nais iparating nito.

Paksa: _____

Mensahe: _____



Isaisip

Kailangan mong tandaan ang mga sumusunod para maging mabunga ang iyong pagkilala at pagsasabi ng paksa at mensaheng nais ipabatid ng patalastas.

Patalastas – ay isang maikling anunsyo na maaaring nagpapabatid, nagbibigay ng kaalaman at nanghihikayat sa publiko para tangkilikin ang kanilang serbisyo o produkto.

Mga dapat tandaan sa pagsasabi ng mensahe o paksa.

Sa pagkilala at pagsasabi ng paksa ng patalastas pantelebisyon, dapat na tukuyin ang paksa o tema nito sa pamamagitan ng pagsagot sa tanong na **“Tungkol saan ang patalastas?”**

Samantala sa pagtukoy naman ng mensahe, panooring buo ang patalastas at tukuyin kung ano-ano ang mga **aral** o matututuhan at **kaalaman** na matututuhan sa patalastas.



Isagawa

Ngayon naman ay subukan mong gawin ang bahaging ito bilang paglalapat ng iyong natutuhan. Puntahan ang *link* na ito <https://youtu.be/SKVKsc6rFSY> mga bulateng pasaway goodbye!

Ibigay ang paksa at mensaheng nais ipabatid ng patalastas na ito.

Paksa: _____

Mensahe: _____



Tayahin

Ngayong nahasa ka na sa pagsasabi ng paksa at mensaheng nais iparating ng patalastas. Pumili lamang ng isa sa dalawang gawain bilang pagsukat sa iyong kakayahan.

A. Puntahan ang link na ito.

<https://youtu.be/yP3PZXUf2zg> tamang paraan ng paghuhugas ng kamay

Sabihin ang paksa at mensahe na nais ipabatid ng patalastas na iyong napanood.

Paksa: _____

Mensahe: _____

B. Manood ng isang patalastas na paborito mo at sabihin ang paksa at mensaheng nais ipabatid o iparating nito.

Paksa: _____

Mensahe: _____



Karagdagang Gawain

Magaling! Nagagalak ako sa iyong natutuhan. Para mapalawak pa ang iyong kakayahan, manood ng isang patalastas sa telebisyon at ibigay ang paksa at mensaheng nais ipabatid nito sa manonood.

Paksa: _____

Mensahe: _____

Mahusay! Nakatutuwa ang ipinakita mong galing sa pag-aaral. Binabati kita! Hanggang sa susunod pag-aaral.



Sanggunian

<https://youtube/meCbmpOAUFO> makulay

<https://youtu.be/4LRUfUOkFmo>

<https://youtu.be/SKVksc6rFSY>

<https://youtu.be/yP3PZXUf2zg>



Subukin

Gawin ang bahaging ito bago ka magpatuloy sa aralin. Lagyan ng tsek (✓) ang mensahe at ekis ang (X) ang paksa sa sumusunod:

- _____1. Buhay ng mahihirap.
- _____2. Mag-aral nang mabuti para sa kinabukasan.
- _____3. Mabuting pag-uugali.
- _____4. Berdeng kapaligiran.
- _____5. Maging maagap sa lahat ng panahon.

Aralin

2

Pagsasabi ng Mensahe at Paksa (Akdang Kathang-isip)

Sa araling ito ay pag-aaralan mo ang pagsasabi ng mensahe at paksa sa mga akdang kathang-isip.



Balikan

Bago ka magpatuloy ay balik-aralan ang nakaraang aralin.


1. Ano ang patalastas pantelebisyon?
2. Magbigay ng 2 halimbawa ng patalastas pantelebisyon.

3. Ano-ano ang paksa ng mga ibinigay mong halimbawa ng patalastas pantelebisyon?
4. Ano-ano ang mensahe ng mga ibinigay mong halimbawa ng patalastas pantelebisyon?

? Tuklasin

A. Panimula

Pagmasdan ang larawan. Tungkol saan ang larawan? Ano kaya ang ibig sabihin o mensahe ng nasa larawan?



B. Pagbasa

Ngayong handa ka na, simulan ang pag-aaral sa pamamagitan ng pagbabasa ng kuwento nang may pag-unawa.

Ang Magkaibigang Langgam

ni Violeta DG. Lamban

Isang araw, nagkita ang magkaibigang langgam na si Lilong at Lilang. Si Lilang ay langgam na masayahin at napakasipag. Si Lilong naman ay laging nasa parti at kasiyahan.

Nagkaroon ng isang handaan sa kanilang kalapit na lugar. Tuwang-tuwa si Lilang dahil maraming pagkain. Marami siyang mahahakot at maiipong

pagkain mula sa handaan. Wala siyang ibang ginawa kundi mag-ipon nang mag-ipon ng pagkain.

Lagi niyang inaalala ang darating na bukas. Pinaghahandaan niya kasi ang pagdating ng tag-ulan.

Hanggang sa dumating ang tag-ulan. Hindi alam ni Lilong kung saan siya kukuha ng kaniyang pagkain. Hindi siya makahanap dahil sa lakas ng ulan. Sinubukan niyang humingi ng tulong kay Lilang.

Binigyan ni Lilang ng pagkain ang kanyang kaibigan. Nagpasalamat naman ng husto si Lilong sa kaibigan nito.

C. Pag-unawa sa Binasa

1. Tungkol saan ang akda?
2. Sino ang magkaibigan sa akda?
3. Paano mo mailalarawan ang mga tauhan?
4. Paghambingin ang katangian ng dalawang magkaibigan.
5. Ano ang mensaheng nais ipabatid sa binasa?



Suriin


Mahalagang matukoy o masabi mo bilang mambabasa ang paksa at mensahe ng akdang binasa.

Paano ba malalaman ang paksa sa isang akdang binasa? Ang paksa ay tumutukoy sa **tema** o kung **tungkol saan ang akda**.

Paano naman malalaman ang mensahe ng

isang akdang binasa? Ang mensahe ay tumutukoy sa **aral at kaalaman** na dapat matutuhan sa binasa. Minsan ang mensahe ay depende sa bumabasa kung ano ang natutuhan niya.

Halimbawa, sa mga akdang kathang-isip (mga akdang walang katotohanan at hindi hango sa tunay na buhay), ito ay may iba't ibang paksa at iba-iba rin ang mensahe na mapupulot ng mambabasa.



Pagyamanin

Payaminin ang iyong kaalaman at kakayahan. Basahing mabuti ang akda at ibigay ang paksa at mensahe na nais ipabatid o iparating nito.

Takot Ako!

ni Violeta DG. Lamban

Madaling araw nang ako ay magising. Nakapatay ang ilaw kung kayat madilim. Kinapa ko ang aking kumot nang biglang may umumbok at gumalaw.

Bigla akong kinabahan at kinilabutan, tumindig ang aking mga balahibo. Napatingin ako agad sa bintana nang biglang may lumipad. Pinikit kong muli ang aking mga mata upang manalangin. Doon ko naalala na nakalimutan kong magdasal bago matulog.

Inakala kong may multo sa aking kuwarto.

Yun pala ay isang malaking ipis lang na lilipad-lipad sa aking silid.

1. Ano ang paksa?


2. Ano ang mensahe ng akda?



Isaisip

Tandaan ang nasa dayagram. Ito'y nagpapakita ng buod tungkol sa aralin kaugnay sa pagbibigay ng paksa at mensahe ng akda.

Kung naunawaan mo na ang aralin, ipaliwanag ang nasa dayagram bilang pagbubuod sa tinalakay.





Isagawa

Ngayon naman ay subukan mong gawin ang bahaging ito. Basahin ang akda at pagkatapos ay ibigay ang paksa at mensaheng nais ipabatid nito.

Si Matya

ni Violeta DG. Lamban

Mula sa pagkabata ay maliit na ang isang paa ni Matya. Nang siya ay lumaki-laki pinasuri siya ng kaniyang mga magulang sa doktor. Pero sinabihan sila ng doktor na habambuhay na raw siyang magiging lumpo. Labis na ikinalungkot ito ni Matya.


Lumaki si Matya na laging tinutukso ng mga kalaro at kaklase dahil sa kaniyang paraan ng paglalakad. Sa kabila ng lahat, hindi napipikon si Matya. Hindi siya umiiyak sa panunukso, bagkus lumaki siyang matapang at matatag.

Pagkaraan ng ilang taon ibang-iba na si Matya. Isa na siyang kilalang piyanista. Nakarating na siya sa iba't ibang bansa.

Ang dating Maty ana tinutukso at pinagtatawanan, ngayon ay hinangaan na ng lahat dahil sa pambihirang galing sa pagtugtog.

1. Ano ang paksa ng akda?

2. Ano ang mensahe na nais iparating ng akda?



Tayahin

Ngayong ay alam mo na ang aralin. Oras na para sukatin ang iyong natutuhan sa paksa. Basahin ang akda, ibigay ang paksa at mensahe na nais ipabatid nito.

Si Bubuwit

ni Violeta DG. Lamban

"Isang araw nagmamadaling pumunta ng bukid ang mag-asawang daga na si Bibong at Bibang upang sundan ang kanilang nag-iisa at masipag na anak na si Bubuwit.

Pagdating nila sa bukid ay naroon ang kanilang anak na si Bubuwit.

"Tara na, Nay, Tay doon tayo sa pilapil na iyon. Nakita ko maraming palay doon at puwede natin itong hakutin at iuwi sa ating tahanan," ani Bubuwit.

"Habang bakasyon ay araw-araw akong pupunta ng bukid upang mangalap ng maiimbak na pagkain," dagdag na sambit nito.

Naging masaya ang lahat sa araw na iyon dahil marami silang naimbak na pagkain.

Tanong:

1. Ano ang paksa sa binasang pabula?
2. Ano ang mensahe ng akda sa kabuuan?




Karagdagang Gawain

Palawakin pa ang iyong kakayahan. Bumasa ng isang akdang kathang-isip. Alamin ang paksa at mensaheng nais ipabatid nito

Paksa: _____

Mensahe: _____

Mahusay! Nakatutuwa ang ipinakita mong galing sa pagbibigay ng paksa at mensaheng nais ipabatid ng mga akdang kathang isip. Binabati kita! Hanggang sa susunod na pag-aaral!



Susi sa Pagwawasto

B. Gabay na Tanong

1. si Lilong at Lilang
2. Ang mga tauhan sa kwento ay may magkaibang katangian. Ang isa ay masayahin at masipag samantalang ang isa naman ay walang ginawa kundi pumunta sa mga kasiyahan.
3. Si Lilang ay masayahin at napakasipag samantalang si Lilong ay puro kasiyahan lang ang alam.
4. Kailangang mag-ipon at paghandaan ang bukas o darating na mga araw.
5. Opo, sa pamamagitan ng kapag may problema siya tinutulungan ko siya. Binibigyan ko siya ng baon ko kapag wala siyang baon.



Subukin

Muli, magkaroon muna ng paunang pagtataya bago ka magpatuloy sa aralin. Isulat ang **P** kung ang pangungusap ay paksa at **M** kung ito ay mensahe.

- _____ 1. Pag-iingat sa sakit na *Covid-19*.
- _____ 2. Dapat manatili sa loob ng bahay kung wala namang mahalagang gagawin sa labas.
- _____ 3. Karanasang hindi malilimutan.
- _____ 4. Ang pag-aaral ay napakahalaga sa buhay.
- _____ 5. Laging maghuhugas ng mga kamay.

Aralin

3

Pagsasabi ng Paksa at Mensahe (Akdang Hango sa Tunay na Pangyayari)

Sa araling ito ay pag-aaralan mo ang pagsasabi ng paksa at mensahe na nais ipabatid ng mga akdang hango sa tunay na buhay.



Balikan

Magbalik-aral sa nakaraang aralin. Sagutin ang sumusunod:

1. Ano ang ibig sabihin ng paksa?

2. Ano ang ibig sabihin ng mensahe sa akda?

3. Magbigay ng halimbawa ng paksa sa nakaraang mga akda na binasa.

4. Magbigay ng halimbawa ng mensahe ng akda sa nakaraang aralin.

? Tuklasin


A. Panimula

Upang lalo kang maging handa sa aralin, pagmasdan ang dalawang larawan.

A.



B.



Tanong:

1. Tungkol saan ang nasa larawan A at B.
2. Ano ang mensahe na nais iparating ng dalawang larawan?
3. Alin sa dalawang larawan ang hango sa totoong pangyayari? Bakit?

B. Pagbasa

Ngayong handa ka na, simulan ang pagbabasa sa tekstong hango sa tunay na buhay.

Ang Katapusan

ni Violeta DG. Lamban

Isang malubhang sakit ang ngayo'y kinatatakutan ng maraming tao sa buong daigdig dahil ito ay nakakahawa. Ang sakit na ito ay tinatawag na *Covid-19*, isang nakamamatay na sakit. Walang pinipili ang sakit na ito maging mayaman, mahirap, matanda o bata.

Maraming nagdarasal na sana matapos na ang paglaganap ng sakit na ito subalit magpahanggang ngayon ay patuloy parin ang pagtaas ng bilang ng nahahawaan. Ang tanong ng bawat isa, kailan kaya matatapos ang pandemya na ito na kumitil sa maraming buhay?

C. Pag-unawa sa Binasa

1. Tungkol saan ang akda?
2. Ano ang tawag sa virus na mabilis kumalat?
3. Ano ang naging epekto ng sakit na ito sa mga tao?
4. Ano ang mensahe at paksa ng tekstong iyong binasa?




Suriin

Sa pagkilala at pagsasabi ng paksa ng tekstong hango sa tunay na buhay ay nararapat na malaman ang pangkalahatang **tema** nito. Kailangang makuha muna ang pangunahing ideya ng teksto at ang pabuo ng simpleng tanong na, **tungkol saan ito?** Ipagpapatuloy ang pagtatanong sa sarili sa binabasang teksto hanggang sa malinaw na ang sagot sa binuong tanong.

Samantala, ang **mensahe** naman ay tumutukoy sa kung ano ang mga **aral, kaalaman** o nais ng may-akda na **matutuhan** ng mga mambabasa.

Sa mga tekstong hango sa tunay na buhay (mga kuwentong nagaganap o nangyayari sa tunay na buhay ng isang tao), ay mayroon ding iba't ibang mga paksa at mensahe na matutuhan.



Pagyamanin

Ibigay ang paksa at mensaheng nais ipabatid ng tekstong babasahin.

Mabagsik na Sakit

ni Violeta DG. Lamban

Itinuturing na mabagsik na sakit ang *Covid-19* dahil sa dami ng namamatay sa sakit na ito. Naililipat ang *virus* ng sakit na ito sa pamamagitan ng mga *droplets* sa pag-ubo o pagbahing o kaya kapag na hawakan mo ang isang kontaminadong bagay.

Pinapayuhan ang lahat na panatilihin ang 1-2 metro na pisikal na distansya upang hindi mahawa ng sakit na ito. Laging mag-iingat at alagaan ang sarili.

Tanong:

1. Ano ang paksa ng binasa?
-

2. Ano-ano ang mensaheng nais ipabatid ng

akdang binasa?



Isaisip

Kailangan mong tandaan ang sumusunod:

Tekstong hango sa tunay na buhay – ito ay mga akdang naganap o nangyayari sa tunay na buhay ng isang tao. Hindi ito kathang isip lamang.

Mga dapat tandaan sa pagsasabi ng paksa at mensahe na nais ipabatid ng teksto.

1. Alamin ang pangkalahatang tema o paksa ng teksto
2. Sa pagkuha ng mensahe, alamin at tukuyin sa binasa kung ano ang mahahalagang sinasabi nito



Isagawa

Subukan mong gawin sa totoong buhay ang iyong natutuhan sa aralin. Basahing mabuti ang teksto at sabihin ang Paksa at mensahe na nais ipabatid nito.

Mga Bagong Bayani

ni Violeta DG. Lamban

Maraming Pilipino ang naging bayani noong unang panahon dahil sa pagtatanggol sa ating bayan. Nang dahil sa pandemyang kumakalat

25



City of Good Character

DISCIPLINE • GOOD TASTE • EXCELLENCE

ngayon sa buong mundo ay maituturing natin na mga bagong bayani ang mga doktor, nars, pulis, sundalo at iba pang frontliners. Sila ang mga taong patuloy na naglilingkod sa ating bayan upang protektahan at alagaan ang mga taong dinapuan ng sakit na *Covid-19*.

Tanong:

1. Ano ang paksa ng akda?

2. Ano-ano ang mensaheng nais ipabatid ng akda sa mambabasa?



Tayahin

Basahin ang teksto at ibigay ang paksa at mensaheng nais ipabatid nito.

Sa Kabila ng Kahirapan

ni Violeta DG. Lamban

Si Clara ay isang anak mahirap. Bata pa lamang siya ay pangarap na niyang maging isang guro. Magsasaka ang kaniyang ama at sa bahay lamang ang kanyang ina. Pagkagaling sa paaralan ay pumupunta pa ng bukid si Clara para tulungan ang kaniyang ama sa mga gawaing bukid. Lumaki siyang matulungin at masipag.

Lagi siyang may medalya pagdating ng pagtatapos ng klase. Nagkakamit ng karangalan si Clara hanggang sa makatapos siya ng pag-aaral. Tuwang-tuwa ang kaniyang mga magulang dahil sa wakas ay nagbunga ang kanilang paghihirap.

Ngayon, si Clara ay isa nang ganap na guro sa isang mababang paaralan sa kanilang lugar.

Tanong:

1. Tungkol saan ang binasa/paksa?


2. Ano ang mensaheng nais ipabatid ng akda sa mambabasa?



Karagdagang Gawain

Palawakin pa ang iyong kakayahan. Bumasa ng isang tekstong hango sa tunay na buhay at sabihin ang paksa at mensaheng nais ipabatid nito.

Mahusay! Natutuwa ako sa ipinakita mong galing sa pagsasabi ng mensahe o paksa ng tekstong hango sa tunay na buhay. Binabati kita! Hanggang sa susunod na pag-aaral!



Susi sa Pagwawasto

Sagot sa **Subukin**

1. Hindi
2. Oo
3. Oo
4. Oo
5. Oo

Sagot sa **Balikan**

1. Oo
2. Oo
3. Oo
4. Oo
5. Hindi

Covid-19
dahil sa paglalakbay ng iba't ibang tao sa mundo
na naging sanhi ng pagkalat ng virus
Wuhan China
Marami ang nagutom at nawalan ng trabaho
Diyos o Panginoon

C. Tuklasin

Sagot sa **Pagyamanin**

- Ingatan at alagaan ang sarili upang hindi dapuan ng sakit.
- Sa pamamagitan ng pagsusuot ng face mask, palaging paghuhugas ng kamay at pagpapanatili ng kalinisan.

Sagot sa **Isagawa**

- Maging matatag, matapang, may paninindigan at mapagmahal sa bayan.
- Maging mapagmahal at dedikasyon sa trabaho.

Sagot sa **Tayahin**

- May dedikasyon at pangarap sa buhay.
- Maging masipag at masikap sa buhay upang maabot ang mga pangarap.

Bumuo sa Pagsusulat ng Modyul

Manunulat: Violeta DG Lamban (Guro)

Editor:

Tagasuri (Internal): Remia L. Ricabar, PSDS

Zenaida S. Munar, PSDS

Tagasuri (External):

Tagaguhit at Tagalapat: Reynaldo C. Celestial, Jr. (Guro)

Tagapamahala:

Galcoso C. Alburo
Superbisor sa Filipino

Ivy Coney A. Gamatero
Superbisor sa Learning Resource Management Section

Elisa O. Cerveza
Hepe – Curriculum Implementation Division
Pinunong Nanunuparan - Tanggapan ng Pangalawang Tagapamanihala

Sheryll T. Gayola
Pangalawang Tagapamanihala
Pinunong Nanunuparan - Tanggapan ng Tagapamanihala

Para sa mga katanungan o puna, sumulat o tumawag sa:

Schools Division Office–Marikina City
Email Address: sdo.marikina@deped.gov.ph

191 Shoe Ave., Sta. Elena, Marikina City, 1800, Philippines

Telefax: (02) 8682-2472 / 8682-3989

